

# CEOL AN AIFRINN

*Aidbhint 2022*

## **Féachaigí Soir**

**(Iomann nua d'Aidbhint)**

Féachaigí soir is réitigí slí,  
Bígí ullamh don leanbh Íosa,  
A tháinig chugainn le síocháin Chríost a  
Scaipeadh i gcroí a mhuintir.  
A Aoirí's a ríthe umhlaigí dó.  
Glóir do Dhia sna harda,  
Coimeádaigí te É a asail 's a bhó,  
Fáilte roimh Rí na Glóire!

Féachaigí soir is réitigí slí,  
Le muinín as an leanbh Íosa,  
A chuir an ruaig ar an mbás is an oích' Ná  
caillimis dóchas choíche.  
Go stuama, seasamhach creidimid ann  
Le cabhair an Spioraid Naofa  
Le buíochas as ár mbeannachtaí  
Fáilte romhat a Íosa!

**Alleluia:** Alleluia, Alleluia, Alleluia

## **B'Íosa im Chroíse**

Bí 'Íosa im chroíse 's im chuimhne gach  
uair.

Bí 'Íosa im chroíse le haithrí go luath'  
Bí 'Íosa im chroíse le dúthracht go buan,  
'S a Íosa, 'Dhia dhílis, ná scar choíche  
uaim.

Bí, 'Íosa, go síoraí im chroí is im bhéal,  
Bí, 'Íosa, go síoraí im thuiscint 's im  
mhéin,  
Bí, 'Íosa, go síoraí im mheabhair mar  
léann,  
'S a Íosa, 'Dhia dhílis, ná fág mé liom féin.

## **Nuair a chruthaigh Dia an saol**

Nuair a chruthaigh Dia an saol,  
Thogh sé tú a Mhaighdean dhí.  
Thogh sé tú mar Mháthair a Mhic,  
Muire Mháthair lán de ghrást.  
Ave Ave Ave Maria.

Nuair a shaothraigh Críost an bás,  
Ar ár son ar Chalvaire.  
Bhí tú ansin in aice leis,  
Muire Mháthair lán de ghrást.  
Ave Ave Ave Maria.

Sinne do pháistí, sinne do chlann,  
Bheir muid duit-se grá agus gean.  
Treoraigh sinn 's ná lig sinn ar fán,  
Muire Mháthair lán de ghrást.  
Ave Ave Ave Maria.

Máiréad Ní Phleamonn  
20ú Samhain

## **Tar Chugainn, Tar Imeanúeil**

**Cúrfa:**

Déan gáirdeachas, a Iosráel, mar béarfar  
duit Imeanúeil.

Tar chugainn, tar 'Imeanúeil,  
A's scaoil ó ghéibheann Iosráel  
Atá ar díbirt chásmhar ag caoi  
Go bhfoilseofar Mac Dé arís.

Tar chugainn, a Réalt na maidine tar  
Tabhair sólas dúinn a's tú ag teacht  
Ó! Díbir oíche is néalta dubha  
A's uafás ciar na hoíche uainn.

## **Suantraí na Maighdine**

Adhram mo leanbh beag tagtha chun  
saoil;

Codail a linbh go sámh.

Adhram a laige's a loime noct fhaon;

Codail a linbh go sámh.

Inis a ghrá liom id luí sa mhainséar,  
Inis cén fáth duit bheith sínte sa bhféar.  
Is tú coimhde na ngrásta,'gus Íosa Mac  
Dé;

Codail a linbh go sámh.

A Mhuire, a mháthair 's a bhuime mhín  
shéimh;

Codail a linbh go sámh.

Is mé coimhde na ngrásta 'gus Íosa Mac  
Dé;

Codail a linbh go sámh.

Ach go beo-bhocht a tháinig le mian ar an  
saol,

Chun deoraithe fánacha a shaoradh ón  
éag,'

S nuair chrochfar in airde mé leigheasfar a  
bpian;

Codail a linbh go sámh.

**(athuair)** Codail a linbh go sámh.

## **Adeste Fideles**

Adeste Fideles laeti triumphantes,

Veníte, veníte in Bethlehem.

Natum vidéte, Regem Angelorum:

Veníte adoremus, Veníte adoremus

Veníte adoremus Dóminum.

Deum de Deo, lumen de lúmine,

gestant puellae viscera.

Deum verum, genitum non factum:

Veníte adoremus, Veníte adoremus

Veníte adoramus Dóminum.